

II. **W**Y Edsart Ennen Sohn, Eppe Gowkinga, und Haye Ripperda, Aylke, und Eppo Walsena, Hovetlingen tho Greetfuhl, Westerbroek, en Farmlum, tho der Munte, und tho Amdorpe hebben geramet eenen Soen tusschen Uken Focken Sohn Hovetling tho Oldersum by der eener syden, und der Meenheit by der ander syden, und dat in duffer wyse, dat de borch tho Oldersum sal staen in ohrer vullen macht, also dat men sut wo dat geit mit Lehr, und ist averst sake, dat idt ovel ginge mit Lehr, dat Godt vorbeden moet, so schal men dat Bolwerck effenen und dat steenhuys und muirhuis schal staen tho der Hovetlinge seggen vorgenoempt, und oock dat Uken wyff, und ohr suster, und syne knechte scholen ungemoyet wesen, und in ohrer vullen macht tho bli- ven, und se tho holden, als een guede fruwes name toebehoert.

Thom anderen, dat Uko vorgenoemt schal bru- ken al dat erve, dat de Keensna eer jo gehad heb- ben, tho synen besten, und tho der Sloten beste und behoef tho Oldersum, un alle erve dat Uko voeriz ge- koft heft, oder em angeervet is, und alle erve van syner vrouwen wegen, und syner moder wegen, und van Kenes syner Schwagers erve, und Erteke syner Schwe- gersken erve alle gelaevet gelt betaelt und alle gelaevet gued und syne huur.

Item tho den derden, dat alle de jene, de umme synen willen mit em up den Sloten tho Oldersum voeriz wesen hebben, dat se in ohr gued sitten fry und velich, also se dat nu finden, und dat se dat ohre mogen brue- ken, waer se dat hebben, und dat se van gene Schlot- te scholen tehen, und van alle aensprake fry syn, de
ge.